



5.  
3 angeh St.

# GERMANIÆ PACATÆ

ANNO CHRISTI cl. lcc. L.

H. M. P.

## JOSUA ARNDIUS

POET. CÆS.

WITEBERG. SAXONUM.

ANN. O. R. cl. lcc. L.

REPAR. RELIG. CXXX.  
INCOAT. BELL. XXXII.



INSCRIBITQ

GERMANIÆ. ORNAMENTO.

V. GL.

AUGUSTO. BUCHNERO.

L. M. Q.

AD. AETERNITATEM.

AUTOR.



E Typographeo RÖHNERIANO.

DEO. STATORI. SACR.  
HOSPES. QUISQUIS. ES. TROS. RUTULISVE. SISTE. LEGE. PLAUDE.  
GERMANIA. REVIXIT. PATRIA. CONVALESCIT. AUSTRIA. RESPIRAT.  
SAXONIA. RESURGIT. RHENUS. ISTERQ. REDIERE. AD. FONTES.  
AQUILA. REVICIT.  
SEPTEMTRION. DEXTR. IBER. SOCIA. ORIENT. GRATULANT.  
MARTE. INVITO. BELLONA. IRATA. INVIDIA. ADVERSA.  
DEO. DUCE. CHRISTO. AUSPICE.

**PAX. PAX. PAX. GERMANIÆ.**

FECIT. ORBIS. TERRARUM.  
CONSULUIT. IPSA. SALUS.  
SCRIPSIT. CONCORDIA.  
DICTAVIT. FERONIA. SIGNAVIT. RELIGIO. ANULO. FIDEI.  
CERA. CONSTANTIÆ. LEMNISCO. ÆTERNITAT.

AUDI.

JUS. FASQ. RELIGIO. VERITAS. ECCLESIA. PATRIA. AMOR. GENTESQ.  
REGNAQ. POPULIQ. OMN.

**PAX. PAX. GERMANIÆ.**  
POST.

LIPSIAE. CANNAS. NORDLINGI. ISSUM.  
WITSTOCHI. PHARSALIAM.  
VIENNAM. (TANTUM.) VISAM,  
PRAGAM. CAPTAM.

TILLI. FATUM. PAPANHEIMUM. COMPOSTUM. GUSTAVUM. CÆSUM.  
AQUILAM. INVICTAM. CÆSAR. SALV. PATRIAM. SUAM.  
RELIG. FIRMAM. VERITATEM. INCOLUMEM. ARTEIS. SUMMAS.  
ANNOS. XXX.

AUGG. BINIS.  
DUCIB. UTRINQ. FELICIB.  
BELLO. PATRATO.

GERMANIAM. TRIUMFATOR. INGREDITUR. PAX.  
PAX. PAX.

OPT. RERUM.

ROMA. OSNAPONT. PANTHEO. MONASTER. CAPITOLIO. NORICO.  
IMP. FERDINAND. CIVIB. GERMAN.

ANN. A. O. R.  
clv. lsc. L.

M. JUL. D. FEST. SOLEMN. PERPETUOQ.

**BELLIFUGIO,**

PRINCIPI. PACIS.  
REGI. REGUM.

VINDICI. TEUTON.


DEO. STATORI. HANC. TABUL. VOTIV. REUS. DAMNATUSQ.

N. M. Q. E.  
ÆTERN. D.

**JOSUA. ARNDIUS.**

SUSPENDIT.

HOSPES. QUISQUIS. ES. ABI. AD. LECTISTERN. ET. PULVINAR. DEI. PUBL.  
ET. VALE.



 Ccubuit Bellator eques! Gaudete Quirites.  
 Transcendit Germanus aquas. Balthesq; sarissas  
 Austriaci posuere Dei. Movet unda carinas  
 Postquam terra negat scelerato in sistere Marti  
 Ulterius, Patriisque fugit foedarier armis,  
 Et calidas Nereus sub mittit pontibus arces  
 Sponte sua tracturus opes cum milite tantas.  
 Ipse fodi se mandat Athos, præcepit & Isthmus,  
 Hellespontiacos hostem vecturus in Argos.  
 Græcia tota fremit, clypeos quassante Dario  
 Germano cessura Duci, Sortique Paternæ  
 Arbellæ substernit Eques mitratus habenas,  
 Et sua sanguineus despumat Granicus ora.  
 Thermopylæ tetulere gradum, Leuctræque sinistra  
 Prælia Lipsiacis pensavit Juppiter armis.  
 Detonuit Trojana acies, & Pergamon altam  
 Horrida victrici frangit Germania lauro.  
 Nec Peloponnesus tantis in fluctibus audet  
 Fortunam conferre suam. Superatur Abydos,  
 Et fera bellatæ recubant ad limina Sesti.  
 Quid sua Carthago? Quid jactet prælia Roma?  
 Infelix testatur ager. Tiberisque cruento  
 Ore fluens, toties funestos intimat ausus.  
 Et Thebæ steterunt, celsæque everfa Mycenæ  
 Mœnia ruderibus signant, & pulvere turreis.  
 Omnia finis habet, bellanteque meta phalange  
 Dilapidat gentes, atque oppida sordibus addit,  
 Quas trivio committit anus. Hoc mille sub uno  
 Prælia vertuntur puncto. Sic errat in armis  
 Mars dubius; Sic fata rotat, sortemque subinde  
 Africus ut cymbam, pugna suspendit ab una.  
 Et finis fuit iste bonus! Felicia Teuto  
 Prælia, felices pluteos, testudine doctâ  
 Egit, & eventu sese non torquet iniquo.

Post

Post tot Olympiades, post tot funesta Quirini  
Lustra triumphatis stant bella cruenta quadrigis  
Omnia. Nil aquilæ tot decussere procellæ.  
Crescit in exitio, mediisque intersita telis  
Evolat, & longis vibrat clangoribus alas.  
Fert regem Natura suum. Stant ferrea crura  
Stant pede Divino, quicquid Septemtrio, quicquid  
Insultent Orientis aves, Lunæque bicornis  
Agmina donec erit, quod dissipet omnia, Saxum.  
Cœlesti sub rege sumtis, sub Principe solo  
Teutones; Huic uni Cæsar substernit habenas  
Et flectit cœleste genu. Pax ipsa fatetur,  
Aurea dum sese Germano de vovet uni,  
Perpetuis in vecta rotis, ubi Norica quondam.  
Antra cruentatos pepulerunt fortiter Hunnos.  
Osnæpons cœpit, juvit Münsteria, finem  
Norica terra dedit. Pax est! Gaudete Quirites!  
Arma, Viri, ferte, arma! Petunt hæc rura ligones,  
Spiceaque in campis Pax clarigat ipsa duellum,  
Seque in Massagetas spondet diffingere ferrum.  
Ipse faber Steropes, Brontesque aterque Pyracmon.  
Et Deus ipse sedet! Tolle ô Germania ferrum!  
Tolle animos Thraces, & tot fera balnea vini,  
Tolle agedum, pugnaque heroo in pulvere prisca  
Virtutis, Generosa Patrum nec degener hæres  
Nominis antiqui, scriptique in sidere sceptri.  
Fiat id! ô fiat! Sic Pax, Astræa, Thalia  
Ordine tergemino cœlis delapsa sequetur,  
Et tua bellantes clangent post Bactra secures.

S. D. G.







DEO. STATORI. SACR.  
 HOSPE. QUI. ES. TROS. RUTULISVE. SISTE. LEGE. PLAUDE.  
 GERMANIA. REVIXIT. PATRIA. CONVALESCIT. AUSTRIA. RESPIRAT.  
 SAXONIA. RESURGIT. RHENUS. ISTERQ. REDIERE. AD. FONTES.  
 AQUILA. REVICIT.

SEPTEMTRION. D. GRATULANT.  
 MARTE. INV. ADVERSA.  
 DE. ANIÆ.

DICTAVIT. FE. ILO. FIDEI.  
 CERA. C. NITAT.

JUS. FASQ. RELIGIO. AMOR. GENTESQ.

TILLI. FATUM. PA. TAVUM. CÆSUM.  
 AQUILAM. I. AM. SUAM.  
 RELIG. FIRMAM. TEIS. SUMMAS.

GERMAN. R. PAX.

ROMA. OSNAPON. OLO. NORICO.

DEO. STATORI. AMNATUSQ.

HOSPE. QUI. ES. I. VINAR. DEI. PUBL.

